


治世全書 二下




漢書門			
九	一	九	類
一	四	三	
一	〇	一	架
〇	一	〇	冊

內閣文庫			
九	一	九	漢書
一	四	三	
一	〇	一	架
〇	一	〇	冊

內閣文庫			
番號	漢	9193	
冊數	10	(4)	
函號	297	42	

職官三





曉諭刑賊

王諱守仁

本院巡撫是方原以弭盜安民為職蒞任之始即  
 聞爾等積年流劫鄉村殺害善良民之被害來告  
 者月無虛日本欲即調大兵勦除爾等隨往福建  
 督征漳寇意待回軍之日勦蕩巢穴後因漳寇即  
 平紀驗斬獲功大七千六百有餘審知當時倡惡  
 之賊不過四五十人黨惡之徒不過四千之眾其  
 餘多係一時被脅不覺慄然興哀因念爾等巢穴  
 之內亦豈無脅從之人况聞爾等亦多大家子弟

功大七千六百有餘



其間固有識達事勢頗知理義者自吾至此未嘗遣一人撫諭爾等豈可遽爾興師翦滅是亦近于不教而殺異日吾終有憾于心故今特遣人告諭爾等勿自謂兵力之強更有兵方熾者勿自謂巢穴之險更有巢穴險者今皆悉數誅滅無存爾等豈不聞見夫人情之所共耻者莫過于身被盜賊之名人心之所共憤者莫過于身遭劫掠之苦今使有人罵爾等為盜賊爾必拂然而怒爾等豈可心惡其名而身蹈其實又使有人焚爾室廬劫爾財貨掠爾妻女爾必懷恨切骨寧死必報爾等以是加人其有不怨者乎人同此心爾寧獨不知乃必欲為此其間想亦有不得已者或是為官府所迫或是為大戶所侵一時錯起念頭誤入其中後遂不敢出此等苦情亦甚可憫然亦皆由爾等悔悟不切爾等當時去從賊時乃是生人尋死路尚且要去便去今欲改行從善以是死人求生路乃反不敢何也若爾等肯如當初去從賊時拚死出來求要改行從善我官府豈有必要殺汝之理爾



等久習惡毒忍于殺人。心多猜疑。豈知我上人之  
 心無故殺一雞犬。尚且不忍。何況人命。闔天若輕  
 易殺之。冥冥之中。斷有還報。殃禍及于子孫。何苦  
 而必欲為此。我每為爾等思念。及此輒至于終夜  
 不能安寢。亦無非欲為爾等尋一生路。唯是爾等  
 冥頑不化。然後不得已而興兵。此則非我殺之。乃  
 天殺之也。今謂我全無殺爾之心。亦是誰爾。若謂  
 我必欲殺爾。又非吾之本心。爾等今雖從惡。其始  
 同是

朝廷赤子。譬如一父母同生十子。八人為善。二人背  
 逆。要害八人。父母之心。須除去二人。然後八人得  
 以安生。均之為子。父母之心。非欲偏殺二子。實不  
 得已也。吾于爾等亦如此。若此二子者。一旦悔惡  
 遷善。號泣投誠。為父母者。亦必哀憫而收之。何者  
 不忍殺其子者。乃父母之本心也。今得遂其本心  
 何喜。何幸。如之。吾于爾等亦正如此。聞爾等辛苦  
 為賊所得。苦亦不多。其間尚有衣食不克者。何不  
 以爾為賊之勤苦精力。而用之于耕農。運之于商



賈○可○以○坐○致○富○饒○而○安○享○逸○樂○放○心○縱○意○遊○觀○城○  
市○之○中○優○游○田○野○之○內○豈○如○今○日○擔○驚○受○怕○出○則○  
畏○官○避○仇○入○則○防○誅○懼○勦○潛○形○遁○跡○憂○苦○終○身○卒○  
之○身○滅○家○破○妻○子○戮○辱○亦○有○何○好○爾○等○好○自○思○量○  
若○能○聽○吾○言○改○行○從○善○吾○卽○視○爾○爲○良○民○撫○爾○如○  
赤○子○更○不○追○咎○爾○等○旣○往○之○罪○如○菓○芳○梅○南○春○王○  
受○謝○玉○張○賓○王○等○吾○今○與○良○民○一○體○看○待○爾○等○豈○  
不○聞○知○爾○等○若○云○習○性○已○成○勢○難○更○改○亦○由○爾○等○  
任○意○爲○之○吾○南○調○兩○廣○之○狼○廷○西○調○湖○湘○之○土○兵○  
親○率○數○萬○大○軍○圍○爾○巢○穴○一○年○不○盡○至○于○兩○年○兩○  
年○不○盡○至○于○三○年○爾○之○財○力○有○限○吾○之○兵○餉○無○窮○  
爾○等○縱○爲○有○翼○之○虎○諒○不○能○逃○于○天○地○之○外○嗚○呼○  
吾○豈○好○殺○爾○等○哉○祇○因○爾○等○必○欲○害○吾○良○民○使○吾○  
民○寒○無○衣○飢○無○食○居○無○廬○耕○無○牛○父○母○歿○下○妻○子○  
離○散○吾○欲○使○吾○民○避○爾○則○田○業○被○爾○等○所○侵○奪○已○  
無○可○避○之○地○欲○使○吾○民○賄○爾○則○家○資○爲○爾○等○所○擄○  
掠○已○無○可○賄○之○財○就○使○爾○等○今○爲○我○謀○亦○必○須○盡○  
殺○爾○等○而○後○可○吾○今○特○遣○人○撫○諭○爾○等○賜○爾○等○牛○



酒銀錢布疋與爾妻子其餘人多不能通及各與  
 曉諭一道爾等好自為謀吾言已無不盡吾心已  
 無不盡如此而爾等不聽非我負爾乃爾負我我  
 則可以無憾矣嗚呼民吾同胞爾等皆吾赤子吾  
 終不能無恤爾等而至于殺爾痛哉痛哉與言及  
 此不覺淚下

說到此間知者固自歸心愚者亦當首肯忠誠  
 愷切莫過斯篇

勸諭守城

尚諱 昂

為曉諭事照得海逆猖狂在奉  
 憲守城為國也實為民也城上數聚惟磚耳城內  
 林林聚居者誰也既作  
 朝廷之官當為  
 朝廷百姓一聞有警竭盡心血百計防禦使賊聞而  
 遠遁俾鄉城內外共樂安堵誠本縣心也倘有疎  
 虞任賊坦然入境未到城而鄉區已遭荼毒既到  
 城則街衢驚擾無措斯時問居民牧者誰也頓令



無○知○赤○子○受○此○顛○連○哉○且○其○禍○更○有○甚○于○此○者○或  
身○被○擄○不○得○已○而○從○賊○况○被○擄○之○人○往○往○身○填○溝  
壑○尤○為○痛○心○或○妻○女○擄○去○人○皆○指○曰○某○人○妻○為○賊  
配○某○人○女○為○賊○淫○縱○世○屬○名○門○身○負○豪○傑○之○氣○亦  
何○而○目○見○當○世○之○人○也○故○預○防○之○計○綢○繆○周○至○正  
慮○及○此○業○將○守○城○應○行○條○約○頒○示○通○衢○矣○聞○有○等  
奸○民○倡○惑○煽○眾○動○言○賊○艘○數○千○賊○眾○數○萬○或○者○賊  
中○奸○細○假○扮○良○民○從○中○散○布○流○言○未○可○知○也○昨○本  
縣○夜○巡○城○上○見○一○燈○桿○臥○置○不○墜○薄○責○十○板○又○三

燈○有○燭○不○點○置○燈○籠○于○堦○下○各○責○五○板○此○誠○不○得  
已○而○懲○之○爾○民○所○共○諒○也○獨○不○思○常○則○為○民○變○則  
為○兵○何○得○輕○信○奸○宄○妖○言○拍○掌○府○門○何○愚○之○甚○也  
此○地○縉○紳○甲○于○天○下○禮○義○嫻○于○性○生○既○居○一  
之○土○當○無○二○心○之○蓄○生○存○忠○孝○歿○期○流○芳○又○素○志  
也○且○爾○民○守○城○數○日○方○輪○一○班○本○縣○巡○查○晝○夜○不  
遑○寢○食○爾○民○疇○無○良○心○獨○不○念○及○古○人○三○千○可○敵  
億○萬○况○出○沒○江○海○之○徒○勢○不○能○離○水○陸○戰○烏○合○雖  
多○無○能○為○也○此○可○據○理○勢○而○知○之○務○期○上○下○同○心



靜聽號令。無負本縣一片為國為民之心。其保無虞。則幸甚也。特諭。

勸諭守城。及為國為民。數語痛陳利弊。何等懇切。作宰如此。真有伏伽之風。

○招亂民復業

胡諱昇猷

為廣開歸正之門。以招亂民復業事。照得樹嘉穀者。必鋤非種。安良民者。必殲異類。今查各屬自城郭之外。偏地綠林。倚山作窟者。自恃為負嵎之虎。視海如歸者。動思為狎浪之鯨。不思自大兵撲勦以來。頭顱山積。血湧成渠。為虎為鯨者。求為腐鼠。枯魚而不可得。前車屢覆。後轍相仍。爾輩豈真鐵石為腸。絕無噬臍之念者哉。總以心懷疑畏。向善無門。非慮官長之不容。卽恐仇家之報復。求為良



民而不得勢必以盜賊終其身耳。今本道蒞任方  
新事事與民更始。因念今日之盜。卽往日之民焉。  
知來日之民。非卽今日之盜耶。以生來非盜之民。  
與可爲民之盜。不思勸諭招徠。必欲置之死地。好  
生之義。謂何而必爲此殘忍刻薄之事哉。所以下  
車之始。卽刊示徧貼。與爾等卽日來歸。活得一條  
性命。就拾得一件珍寶。何等快樂。誰料爾等恃頑  
如故。絕不體本道好生之心。必欲破本道嗜殺之  
戒。昨已會兵驅勦。生擒賊首王貴王欽楊總仔等。

立行梟斬。可見本道前日之勸諭。原非不善。用  
而故以招徠藏拙。乃有殺賊之能。而不忍驟用者  
也。今渠寇旣經殲滅。何必更究脅從。故特再申前  
諭。以某月某日爲始。某月某日爲止。凡有從前作  
賊悔過投誠者。自具改邪歸正甘結一紙。或願入  
伍。或願歸農。或赴該府縣呈明。或竟赴本道衙門  
投遞。悉從爾等自便。卽日安插。斷不苛求。仍移會  
各衙門。凡有仇家告害爾等者。槩不准理。倘能引  
導官兵擒獲賊首。又當破格獎賞。不在尋常歸化

兵部 頁七



之例。倘過期不投。仍前負固者。則有王貴王欽揚。總仔之律例。在本道。反慈眉為怒目。欲彼時于刀。下留人。恐不可得也。特示。

勦而後撫。賊始歸心。而今日之盜。即往日之口。真是父母之言。其為賊者。亦皆良民。其為良民者。亦皆賊。其為賊者。亦皆良民。其為良民者。亦皆賊。其為賊者。亦皆良民。其為良民者。亦皆賊。

○招撫投誠  
王 諱元曠  
為開布血誠。大破愚惑。及早華心。向化以膺。大賚事。從來識時務者。號為俊傑。順逆之間。不難功。罪攸關。亦且灰生干係。明哲保身。回頭須早。頃聞海竊發。抗拒顏行。處窮洋絕島之地。妄遣螳臂。邇年以來。殺傷相尋。凍餒備至。風波震撼。有灰無生。其技窮智竭。既已後悔無及。因念嘯聚之眾。實繁有徒。其中愚者固多。然豈無一二明達之士耶。當初。或以其事日久。罷脫不去。或以封疆失守。避罪。

初。或以其事日久。罷脫不去。或以封疆失守。避罪。



相隨或以念頭偶錯妄想功名或以窮愁不耐希圖溫飽以致失身墮足勢處觸藩進退維谷更有最可憐者有等鄉村百姓橫被焚抄家破人亡劫擄以入此中有等漁捕為生沿海網罟猝然遇寇不能脫逃迫脇以入此中有等平白良民並不為非作歹或以盜黨板誣或以怨家仇陷或被土豪勢惡欺凌一時憤激遂委身以入此中有等無賴遊手生活無靠遭歲荒歉止圖趨食遂挺而走險以入此中總之生前冤孽狹路相逢有家難奔無

地投生个个同病人人同情每一念及誰不心慟  
 今本院代

天巡符按部溫郡視師海上。一望風濤茫茫無際。鯨鯢出沒之窟。豈人所居。數年以來。爾等飄蓬斷梗。身非金石。能不消磨。不識何以堪此。本院駐蹕數日。投誠踵至。公堂慰勞之餘。見其人皆面目黧黑。形容枯槁。衣不蔽體。奄奄欲盡。細詢根由。皆稱海中無田可耕。條東條西。隨風逐浪。無一刻即安。雖打糧亦分頭四出。然一時難以登岸。且人多糧少。



甚至捨命一遭不能博得一飯卽有捨得些須者  
先供主將欠儘偏裨到得自家只好救得一飢克  
得半飽處處鬼哭神愁船船啼飢號餒兵士嗾怨  
于將帥將帥猜疑于兵士貴賤交迫上下解體針  
箍湯火一刻難捱本院聞之痛心誰非百姓獨罹  
鞠凶今特布血誠如考鐘伐鼓徹爾聽聞大家何  
不回頭一想爾等欲圖貴顯貴顯今果何在草次  
扁舟自尊自大真如蜂窩蟻穴饒他僭公僭侯亦  
是水中幻影夢裏南柯若爾等今日一割明日一  
券尤不過幾張故紙中得甚用濟得甚事豈不是  
一夥傀儡逢場作戲說到此間豈不可笑爾等欲  
圖享受享受果從何來爾等結夥已歷數年不為  
不久可得過多少金帛會獲過多少輜重徒捱了  
幾年不生不死的歲月學會了一張忍飢忍餓的  
肚皮說到此間豈不可哭爾等欲圖建樹建樹當  
于何所從來草竊行徑但聞有負固有負隅未聞  
有負海者至于海而身窘計窮無可復之矣自罹  
成地那得生面碌碌此軀也只好與蛟螭為鄰魚



鼈為伍看了些蜃樓蜃市到得大限來時又只好  
 以水底為葬送以肌肉供鯨餐說到此間豈不是  
 走投無路爾等欲苟延性命不識何計能延水面  
 刀頭存亡呼吸朝暮難保今日風波船告覆明  
 日戰殺一旅又殲爾等屈指細數當日起手共事  
 的人今日尚存有幾別有攻剋本院不知不能深  
 言舟山一戰魯經日擊當巢穴直搗之目猶如竈  
 上掃除饒爾等豪傑英雄免不得烟消火滅灰者  
 堆山堆嶺生者為俘為囚說到此間豈不危若

朝露種種苦楚旁觀者尚且了然豈當面者反至  
 昏昧爾等之意不過中懷疑似從違難決以致猶  
 豫觀望日捱一日我

皇上弘慈大度如天好生不忍使一物失所混一以  
 來投誠之衆推誠任用掛印拜將高官厚祿受恩  
 承寵者項背相望試將縉紳戎政從頭一檢夫固  
 歷歷可數從古待歸誠未有如我

朝之厚我  
 皇上之仁且信者爾等雖僻處島嶼中量亦熟聞此



真千載不世之遇。若不乘此良時。擇木而棲。何日是出頭日子。爾等祖宗墳墓所在。誰無故鄉之思。誰無廬舍田園之想。即使賣劍買牛。退歸田里。賓朋親戚歡聚一方。父子骨肉團圓一處。幾碗家常。淡飯亦落得鼓腹快心。一床草苫蘆花也落得魂安夢穩。何等快活。較之風餐水宿。翻浪潛踪。殞命波濤。塗膏鋒鏑。利害禍福。已不啻相遠千萬。况夫邪歸正。乘時建業。封妻蔭子。猶屬

朝廷必至之恩。爾等分內之事者乎。本院一生直諒

肝膽自許。待人接物。惟有一片血誠。從來不作一違心語。按浙半載。做官行事。百姓有口。爾等或可相信。爾等果能真心向化。羣相勸勉。率眾來歸。本院當不時具

題為爾等請

命原有職銜。願圖報効者。即便列名彙

題。准與實授。計功陞轉。若有願退歸農者。即與安插。務使得所。再有慮其昔年為強豪奸蠹。許訟成仇。修隙報復。中懷惴惴者。本院即給與印照。以杜傾



陷爾等毋信黠猾而永墜迷途毋聽旁撓而遂違  
 中道毋畏人情不測而反覆低徊毋謂事在兩可  
 而遲留依戀毋悞于前而復悞于後毋惑于已而  
 反憑信于人俱各當下覺悟翻然改易苦海茫茫  
 回頭彼呀正在此際其有事關封疆爾等畏罪悔  
 過不能自必者本院必繕  
 疏入告方請

浩蕩俾令自新修塗以策後效

天日在上負此盟者有如白水禍福無門惟人自召

早得一刻便是喜曜臨門遲了一刻恐將覆轍立

見聞御史之言其各諦聽毋忽勉旃勉旃本院特

立以竣特示

委曲詳盡言言血誠聞之有不涕泗交集投誠

恐後者乎覺相如諭巴蜀檄猶帶駢麗氣習遜

茲剴切



○安插投誠

王諱元曦

為安插投誠以慰百姓以鼓向化事照得本院叨

承

簡命按視浙邦行聽所至宣布

朝廷德意真至懇切海外望風歸化者接踵而至不

留一分嫌疑不容一分稽遲今日來歸今日即令

荷戈前驅明日來歸明日便使操犁復業一片血

誠諒亦無不通曉然而處溫之投誠易處台之投

誠難處溫之投誠惟在勤其招徠處台之投誠尤



在善其安。棟夫柔遠。憐邇。卽來則安。使之一人失  
所。便負向化初心。所爲得所者。政要使人人心安。  
身安。疑慮冰釋。睡寧夢穩。起居出入。無一點粗  
參差。如此方爲得所。民不安則失民心。兵不安則  
失兵心。此中調劑。政如良厨烹調。酸鹹甜辣。稱量  
在口。一絲不錯。方成佳味。又如奕人着碁。前後遠  
近。著著安排。一點不滯。方爲善局。而總歸于如慈  
母哺嬰兒。喜笑悲啼。移寒就暖。事事切膚。無一刻  
去心。方成得誠。求保赤我。台變自內起。殺戮焚燒。  
奸淫搶擄。城郭摧殘。百姓成傷。殆盡一時。脇從諸  
人。俱聽叛將。意指既不自由。于當前亦寧再計于  
後日。到得今朝。束手歸來。毀室焚巢之慘。歷歷在  
目。擄妻劫子之淚。點點未乾。一旦晨夕相對。何以  
相忘。雖投誠人衆。旣已悔過不暇。百姓人等亦當  
修好恐後。但恐彼此各心。口雖不言。胸中疑慮。那  
得箇快適日子。且此投誠人等。不來則爲我海上  
逋民。旣來則爲我懷中赤子。不來則示以恩德。使  
之讀榜投戈。旣來則登于衽席。歸之飲食。教誨若



使一個人天長地久。教他胸中有物難釋。有愁不放。自然添出許多顧忌。生出許多憂虞。增出許多恐嚇。究恐變出許多風波。官長勢分隔絕。數行塘報。便了一樁公事。那管及爾等立命安身。卽本院行驄停留數日。便爾按節。他巡帶不得。爾等車前馬足。用是關心竭慮。必圖個徹始徹終。爲爾等久安長樂之計。合行曉諭。爲此示仰官吏軍民人等。知悉。以後海外投誠人等。凡遇僞官將領。卽呈解部。撫兩院衙門。以憑會議具

題。授以職銜。其餘一應丁役。俱隨其所請。願入伍者。卽令入伍。願歸農者。卽令歸農。願入伍者。一郡錢糧無多。兵籍現足。一時那得便有空缺。應該協丞。爲分排。卽申請本鎮。請其分撥。各協項補食糧。願歸農者。應該管有司。相地安插。本處之人。卽使原歸本處。都畱安其井里。他鄉之人。卽給印信。照身速歸原籍。早見故鄉。省得團聚一處。愁眼相看。守候無期。盤纏缺少。恐飢受餓。大約安插之道。聚則口舌漸生。散則形跡不露。日日相見。無心也是。



有心彼此無涉有意也化無意爾我兩忘出入兩便遠近皆安魂夢俱適如此是不成箇極樂世界本院臨別贈言尚有幾句婆心的話頭留與爾等切記爾百姓試想一想人到妻離子散此事非偶總是前生註定前生留得此因今生難逃此劫到如今總是一場大夢總付之隔世泡花必欲認真到底豈不是夢裏說夢爾投誠人衆思想從前魔障已是難補難追不知經歷了幾多萬劫千生又博得箇兩世爲人畢竟是爾等良心未昧故蒼天

令之絕處逢生想到此間懺悔修行正當及時趁早饒舌強項却是爲何願爾等大家取箇和好賢愚俱做好人毋負天地覆載毋負

朝廷洪恩庶幾反側自消討得箇太平共享本院待人接物從來一片赤心出身加民不敢半言妄發遐邇官民一體遵照如有奉行不力漫不經心以致安插失當兀集郡城貽投誠之苦楚啓百姓之竄端本院耳目最靈不時採訪定以溺職論過善哉



朝廷恩德。臣子當善為奉行。百姓苦衷。官長宜曲加體悉。同舟之處。俱有同心。不俟絮言之畢也。特示讀前幅。不過贊其為良吏心腸。至後段。竟如高座道人說法。頑石點頭。冤累冰釋。

○嚴飭弁兵

蔣 諱 國 柱

為嚴飭弁兵。以肅法紀。以安民生。事照得朝廷分設武備。參養士卒。所以鞏固疆圉。扞禦賊寇。而又安黎庶者也。近者將領藐玩紀律。以致兵丁恣性强梁。輿販漏課。滾債剝民。挾制官府。欺凌士紳。或垂涎殷庶。鄉鎮各求防汛。百端播虐。或構通地棍。為線索。收蓄奸徒。為腹心。越俎攬事。擅受呈詞。採探溫飽之家。或指為窩盜。或誣為通叛。差撥爪牙。鎖拿嚇詐。受害者。惟欲求全身命。違顧罄盡。



家○資○又○如○遇○有○盜○警○不○能○當○時○擒○獲○及○行○緝○捕○反○  
茶○毒○夫○鄉○愚○者○甚○至○管○兵○結○黨○肆○劫○公○然○無○忌○該○  
管○將○弁○不○但○約○束○之○無○聞○抑○且○知○情○而○故○縱○是○衛○  
民○適○所○以○厲○民○禦○盜○更○甚○了○為○盜○

國○家○何○賴○此○分○管○設○汛○虛○糜○糧○餉○為○哉○本○部○院○于○軍○  
務○雖○非○端○責○然○欽○奉○

勅○諭○載○有○大○小○武○弁○騷○擾○地○方○攬○害○良○民○縱○兵○搶○掠○  
反○隱○匿○賊○情○不○報○等○事○仍○許○會○同○叅○處○欽○此○

皇○言○敢○不○仰○遵○合○行○出○示○嚴○飭○為○此○示○仰○撫○屬○武○弁○

兵○民○知○悉○嗣○後○各○將○領○務○恪○

功○令○申○明○紀○律○毋○縱○兵○毋○害○民○必○使○盜○賊○之○屏○息○地○

方○之○安○堵○庶○不○負○此○本○等○職○業○倘○有○藐○視○

王○章○越○分○生○事○恣○意○騷○擾○借○題○受○詞○飛○票○殊○籤○差○人○

鎖○拿○無○辜○者○許○被○害○諸○人○功○協○同○里○老○保○甲○收○執○簽○

票○并○將○所○差○之○人○擒○送○該○地○方○官○即○時○起○解○本○部○

院○以○憑○會○審○

題○叅○他○如○前○項○地○方○官○徇○隱○不○為○察○報○本○部○院○別○

有○訪○聞○定○行○一○併○查○究○各○宜○諒○之○特○示○



*[Faint bleed-through text from the reverse side of the page]*

○嚴緝兵丁 朱諱昌祚

為嚴緝暴橫兵丁以肅法紀事照得

朝廷出民賦以養兵即設兵力以衛民兵民原是一體無異視也末流兵強民弱之形見而兵遂譁然不律本院傷心久矣必使兵守兵紀而後民安民業無奈兩浙強兵悍卒在在橫行全無法紀或入市強買或短價虧行或禁門需索或沿河搜奪或假稱裝草要奪民船或託名採樵砍傷墳木園果山花本



國家賦稅所出一概任其蹂躪茶芽竹笋更小民身  
 家所係無不恣其芟刈本院未出都門久已風聞  
 約略甫臨浙境到處一路號冤按部不過數日呈  
 訴蝟集盈千披閱羣情如同湯火傷心觸目五內  
 俱焚且武杯一帶山水向稱蔚然森秀乃省會大  
 地風水相關昨本院立馬吳山憑高一望千山皆  
 赤萬冢俱枯有司不敢明言百姓無從告訴職思  
 其咎誰為厲階更可恨者有一班無籍棍徒竄入  
 營中為鷹作犬設穿陷人或開張賭博或扯繹保

債或酗酒行兇毒拷無辜或勾情引線姦淫婦女  
 良家子弟大半受其欺凌一入機關身家立墮當  
 此  
 聖明在上滿漢同仁所懸者何如之 國法所頒者  
 何如之 功令乃有此白日魑魅亂民害俗本院  
 聞之能無髮指除已今知會 昂邦章京公同執  
 法懲一儆百外合行嚴禁為此示仰文武軍民人  
 等知悉自示以後不論滿漢兵丁各安營伍稟遵  
 紀律入市須平買平賣守門毋需索分文裝草不



得○要○奪○民○船○樵○樵○不○得○砍○傷○墳○木○并○及○園○果○山○花○  
 茶○芽○竹○筍○等○類○俱○不○得○輕○動○民○間○一○毫○一○絲○其○一○  
 切○無○藉○棍○徒○各○營○速○行○驅○逐○本○人○作○速○回○頭○安○分○  
 改○業○如○有○強○兵○悍○卒○不○遵○紀○律○仍○前○強○買○需○索○搶○  
 奪○害○民○種○種○不○法○者○本○院○軍○車○獨○馬○不○時○巡○察○諮○  
 詢○一○經○遇○獲○即○以○軍○法○重○處○該○營○營○弁○即○會○同○  
 昂○邦○各○章○京○以○縱○兵○殃○民○飛○章○入○  
 告○其○無○籍○棍○徒○敢○有○仍○前○投○管○設○弄○放○賭○保○債○及○一○  
 切○陷○害○良○家○本○院○更○加○明○察○倍○訪○一○經○發○覺○立○刻○

嚴○拿○處○死○斷○不○姑○息○一○人○以○貽○害○我○百○姓○也○特○示○  
 尼○聖○去○兵○之○意○正○以○愛○民○也○設○兵○源○以○衛○民○贖○  
 民○之○謂○何○為○  
 國○家○撫○念○斯○民○則○此○示○固○民○之○金○湯○保○障○矣○足○勝○  
 數○十○萬○甲○兵○



○嚴革軍需積弊

王諱元曦

為軍需之供甚苦。特先嚴禁弊竇。以稍濟民艱事。竊照海氛未靖。止戈尚俟。師行糧食。一應軍需。總皆開銷正項。自當支取庫儲。採買備用。有司官往。往以兵機緊急。倘馬待芻。燃灶待炊。誠恐錢糧徵納。未必如期。發辦採買。不能立就。因而令里役承。值就其輸納之數。扣抵正糧。雖納。應納結。百姓急公之誼。然而新絲新穀。已不知幾竭筋力矣。海上頻年用兵。此法各郡行之已久。事關兵機。軍需急。



切本院躊躇經年不敢遽議更張以滋遲悞但此  
中弊竇千孔百罅惟有急加釐剔庶幾不能拔本  
猶可杜漸特就聞見所及永爲嚴禁如凡有軍需  
牌行該縣其需用若干自應懸示衢達乃經承乘  
機舞弊從不將原文總數使百姓與聞而以少作  
多以一科十之弊出矣因而府差下縣縣差下鄉  
或駕舟舫或乘輿轎任意威福百般賣弄未完公  
需先供私餽呼酒徵脯淋漓醉飽索鏹勒幣席捲  
歸來稍一拂意聳稟立至以軍需之大題加酷急

之刻限而嚴刑峻罰之弊出矣因而分差狼狽相  
倚因緣爲奸刁民頑戶逃避躲閃或黃分上爲護  
身符或買衿員爲乞免地以及贖禮之白丁賣藥  
之市棍皆可上下其手而招搖包攬之弊出矣及  
奸書掌收如馬草一項百姓輸納六十斤官秤止  
三十斤官收一萬而民間已費二萬放草之日每  
五十斤止平秤四十五斤以及豆穀節節皆然收  
重放輕而兵民俱病之弊出矣始而簽差四索恣  
其狼籍既而取數已盈漸議折價以本色應軍興



以折價歸蠹橐而虎嚼漁獵之弊出矣。一番派值  
卽爲一番利藪。民髓已竭。蠹囊日累。貪谿慾壑。怨  
海愁山。每念及此。恨不手挽蠹舌。割其肉。片片以  
啖我百姓。然此其流弊也。而其大弊則在于承值  
之不均。夫費有多寡。里有大小。按田則多寡適均。  
按里則大小互異。里大則衆擎易舉。里小則寡力  
難支。而况宦首僧面。優免逾于格外。豪民富室。詭  
寄半附。箇中以致肥瘠漠視。苦樂懸殊。田連千陌。  
反得偷安。答楚追呼。獨累見役。論理原情。不平孰  
甚。今與諸司約。值此軍興。旁午歲歲用兵。何事不  
累民間。雖承平休息之地方。竭蹶猶艱。况皮穿膏  
枯之民。劇骨何剉。哀我憚人。自當曲隨輿情。力杜  
奸弊。消其怨嗟。方可望其趨事。此後凡值軍需。必  
照原軍數目。刊刻刷印。又將合縣計田若干。計畝  
應出若干。本里田若干。畝共應出若干。係作何項  
支銷。何營應用。一併刊布曉諭。每里散給一紙。至  
于輸過軍需。或數月一筭。或一季一筭。卽行力請  
扣抵。必使百姓完得一分糧料。卽少得一分正糧。



無徒西江賒語望斷涸鮒空有抵正之虛名仍受  
重輪之苦累其承值應不論民畝宦畝僧畝總計  
田畝均輸紳衿遵照全書優免之外不得借口包  
攬巧卸百姓諸如奸胥蠹役隱匿原文以少作多  
重收輕放折乾作弊勒詐婪贓刁頑躲閃市棍招  
搖不時覺發一犯立行處死嗟嗟斯民千辛萬苦  
雖使行路聞之猶為飲泣何況同處梓桑身為父  
母損人便己天道必不能容漁利殘民子孫斷難  
克享各宜改絃共濟時艱翹企望之本院仰體軍  
機為重權宜取濟之計不敢遽更撫念民瘼已極  
奸頑蠹弊之窟驅除務盡一片苦心父老諒之特  
示

反裘負薪古人已言之矣民力何堪重困體恤  
至此勝讀譚大夫詩歌



○禁兌支兵餉

王諱元曦

為嚴禁對支月糧以除民害事照得郡屬設兵原以控禦封疆計丁授餉額設糧餉又慮藩司頒發途路應遙不能應一時之急故一郡之兵馬卽撥一郡之錢糧就近供應責在有司官平時徵足按月起解以憑給發兵無枵腹士賴飽騰原是風火急需今訪得各屬有司催科不法撫字無能平時漫不驚心臨時巧于搪塞竟將積年拖欠糧尾開列支單派撥道協二標月糧令其自行催領嗟嗟



自此法行而流弊不可勝言矣。兵民原是兩途。卽使兩不相涉。而兵之與民。常覺高傲。民之見兵。常覺退縮。必至之情。非伊朝夕。况人以食爲天。兵以餉爲命。經年屢歲。熬得幾粒穀子。省得一分便博得一分用度。早得一日。便落得一日衣餐。有司撥兌之後。便已卸擔。兵丁受兌之後。便成切膚相尋。不得不迫追索。那能不力。于是兌票一出。立刻下鄉。糾隊結伴。逐戶挨門。多方要逼。或細戶逃亡。則尋里長承值。或下名。或絕卽着上役賠償。或一里拋荒。卽派鄰亩均攤。拖親累眷。蔓引株連。以至羸頓。則酒食狼籍。拂欲則網鍊鞭箠。開口則嚇稱軍前。糧餉動手。則不顧器皿家財。詈罵加于婦女。毆辱及于妻孥。自欠之糧。猶曰不能預先完納。便受氣吃虧。尚可飲恨吞聲。獨惜一班無干。糧里白白牽累。醫瘡剜肉。往往因別人拖欠錢糧。賣自己親生男女。林木池魚。桃僵李代。更且閒酒閒錢。賠茶賠飯。完得一兩錢。糧須得二兩。食用種種。寬情何門。告訴本院。自入浙境。每聞此等。輒爲酸鼻。夫州



縣爲

朝廷親民之官。百姓稱之。命曰父母。顧名思義。州縣于百姓。就如自己兒子一般。嗟嗟官府比較有時。有日私下比較。無了無休。官府比較。筆楚易受。私下比較。瑣碎難堪。有司設身處地。回頭一思。若是自己兒子欠糧。撥兌兵丁。可是怨也不怨。兵丁得到家中。可是苦也不苦。自己怨苦。何忍加人。猶且揚揚得意。卸得肩擔。免得催提。省得起解。銷得逋欠。看着便宜。只圖自己爽快。那管百姓死活。不知

催科徵納。係有司職。掌若以民間拖欠錢糧。即可對支兵餉。要縣官何用。只須以兵丁兼衙役。便是。要各衙門虎役狼胥。成羣作隊。何用。且事之不可爲。訓者行之一次。猶可行之。下次則難。當其初兌之時。百姓打熬不過。只得典鬻。從事殊不知民間衣物。煞是有限。妻子原是無多。一典之後。無復再典之物。詭詐頻經。便成習慣。臉面經霜。必至頑皮。一而速。再而遲。三而或應。或不應當。其呼之民。既不肖。應問之官。又諉而無與。是兵丁實落錢糧。反



得○得○一○張○空○紙○有○司○得○不○捫○心○自○問○一○縣○錢○糧○有  
 存○留○有○起○解○起○解○者○固○時○刻○難○緩○而○存○留○者○寧○不  
 可○緩○急○通○融○且○此○種○掛○欠○粮○尾○何○不○以○之○留○克○扣  
 尅○何○不○將○來○抵○兌○工○食○緩○其○所○急○急○其○所○緩○欺○天  
 欺○人○抑○亦○自○欺○是○此○舉○不○特○恐○心○苦○民○亦○明○係○設  
 計○騙○兵○兵○民○俱○病○究○以○病  
 國○關○係○重○大○合○亟○嚴○飭○為○此○示○仰○合○屬○官○吏○軍○民  
 人○等○知○悉○以○後○凡○道○協○各○標○兵○丁○支○給○月○粮○俱○着  
 落○縣○官○催○取○起○解○道○協○按○月○給○放○一○切○對○支○名○色

盡行革除如有陽奉陰違不遵

明○禁○仍○前○分○給○印○單○着○令○兵○丁○下○鄉○代○催○許○被○害  
 人○等○不○時○赴○院○呈○告○有○司○官○必○以○溺○職○殃○民○立○刻  
 飛○參○民○隱○當○念○兵○餉○宜○亟○積○弊○宜○除○其○各○諦○聽○毋  
 干○鐵○面○特○示



卷二

*[Faint bleed-through text from the reverse side of the page]*

○嚴飭保甲

蔡諱士堃

照得保甲之設原以地方多事○告盜賊者無日不  
有○本部院痛念民生○欲為爾百姓人等○計圖在席  
之安○故申飭有司○善行鄉約保甲之法○悉依烟戶  
舊冊○使爾等互相稽察○不使容藏匪類○貽害地方○  
別無紛更苦難之事○強爾等以不能行者○其中有  
耕讀貿易○遷舍移居○聽爾等擇便自安○更無拘累  
總○以到處不能逃編戶之外○為獨立門戶之人○蓋  
約保一事○不特省會之地○舉行江省閩境○無不遵

台文全書

兵部

頁六



行之矣。今聞爾百姓人等轉相驚恐。喻稱不便。爾等思之。必盜賊劫掠。夜不貼枕之爲便乎。抑坊鄰共聚善良相友之爲便乎。此必不肖之徒。欲恣作非爲。是以造語煽惑。欲阻撓良法耳。如或有司奉行不善。胥役借端設詐。及有一切未達之情。不妨齊集約保。進稟本部院。或口不能達。卽詳具條陳。遞進果言之。有裨本部院定採擇施行。爾約保等亦不必依朔望日期。但于每日出堂時。皆可投呈。夫不厭聽聞也。特示。

法之不行。必有隱情。開誠布公。令其不時條陳。民無有失所矣。而上者。幸勿簾遠堂高。致生豐部。



○申嚴保甲

蔣國柱

爲申嚴保甲以靖盜源事照得盜賊生發原非無  
 因必有窩主爲之居停必有線索爲之勾引及其  
 嘯聚可疑踪跡彰露又必有勢豪有力之家爲之  
 調護曲庇以致由微而著漸成滋蔓若地方有司  
 平日果能實行保甲之法家喻戶曉不時稽查使  
 窩主線索無所售容隱之奸勢力土豪無所施庇  
 護之巧卽有不逞之徒乘機出沒而無任足之區  
 亦何敢輕舉妄動以性命爲嘗試也查撫屬郡邑



原有設防兵丁者雖曰警緝責在營汛然稽查保甲則又專在有司二者原並行不悖顧保甲節經嚴飭而該管印捕率多視為泛常虛應搪塞一旦報有失事不惟追禦全疎及有拿獲真盜真窩仍不外牌甲人戶則有司奉行不力之故究將何所辭其責耶相應嚴飭為此示仰合屬州縣衛所官吏各將境內城市鄉村人戶不論紳衿兵民盡行編入牌甲每十家為一牌備開各家名數平日作何生理或係本業或係僦居僱工不得遺漏一人十家之中每月輪流牌長一人專司稽查出必問其所往歸必詰其從來親戚探望必詢下落無事則彼此親睦有事則合力救援至于菴觀寺院鎮集店坊尤當加意防範不許容留外來無藉倘有踪跡詭秘聚散可疑之人即時鳴官查究牌牌如此處處傲行則奸宄自無所容官與民相安無事不亦善乎若行之不力徒事虛文與養癰自貽借端滋擾者則白簡具在不能為各屬寬也慎之毋忽特示



○禁派民夫及騷擾驛遞

朱諱昌祚

示為嚴禁妄派民夫并禁騷擾驛遞以甦浙民第  
 一大困事照得兩浙當江閩之冲連年用兵道路  
 王師不絕夫馬供應動成累百盈千上官以軍需孔  
 亟火檄飛催有司以供應浩煩權宜措置不得不  
 分派民間令百姓出夫承值夫斯民好義出于天  
 性本然奉上急公亦有無窮愁苦本院聞得温台  
 一帶地方邊連沿海幾經賊寇蹂躪聚戍屯兵又  
 遭征師絡繹因而大兵之後必有凶年奇荒之後



繼○之○大○疫○流○離○播○散○百○里○俱○無○人○烟○疾○病○死○亡○到  
 處○俱○為○墟○燼○總○得○一○二○子○遺○盡○屬○鵲○面○鳩○形○對○看  
 俱○無○人○色○當○此○大○役○煩○興○勉○來○供○應○層○山○陟○嶺○疲  
 力○支○當○絕○淵○跨○溪○挺○身○承○認○兼○之○嚴○寒○赤○體○酷○暑  
 焦○膚○長○路○往○來○口○糧○不○繼○因○而○吞○飢○忍○餓○步○履○艱  
 難○詬○罵○鞭○撻○死○亡○相○繼○屍○骸○骨○殖○拋○棄○不○得○還○鄉  
 父○子○妻○孥○死○生○不○能○見○面○凡○此○情○形○行○道○尚○且○傷  
 心○為○民○父○母○者○狠○心○毒○腸○不○唯○隔○膜○全○不○相○關○且  
 縱○一○班○經○承○差○役○機○乘○大○兵○供○應○之○時○指○一○派○十

散○役○後○一○時○不○能○應○手○先○于○大○兵○未○到○一○二○十○日  
 之○前○先○着○原○差○拘○候○數○千○百○人○或○置○之○囹圄○或○羈  
 之○所○舖○或○閉○之○公○房○冷○屋○或○禁○之○古○廟○樵○樓○鉄○桶  
 封○關○水○穀○不○容○相○濟○每○聽○嚴○冬○盛○夏○凍○餓○災○蒸○百  
 人○之○中○先○死○一○二○十○人○者○夫○斯○民○何○罪○而○令○之○無  
 辜○受○斃○倘○有○人○心○能○不○憫○惻○然○此○等○舉○動○亦○不○過  
 因○一○時○大○兵○往○來○偶○應○一○時○之○急○而○至○于○平○時○官  
 長○經○臨○勘○合○火○牌○供○應○驛○站○自○有○額○設○錢○糧○僱○募



人夫動支

朝廷正項且年終造冊達部清查

功令森嚴不啻眼如星日奈何各屬有司見有此例

可援因之爲厲凡逢上司來往公差過往事事俱

派民夫承值而額設驛站錢糧竟歸私橐那裏有

毫釐絲忽給發人夫僱募尤可痛者不顧民生疾

苦專一獻媚逢迎凡遇見任官司經臨勘合之外

多送幾十名而至于院司道府承差胥吏過往亦

無不聽其需索總之多寡俱係百姓應付與本官

絕不相干樂得做自己人情那肯管小民生死言

之真可髮指合行嚴禁爲此示仰官吏軍民人等

知悉自示以後凡有大兵往來夫役浩煩者奉上

司明文方許派百姓承值尤必將檄催夫役數目

大張告示懸之通衢美該每里該出夫幾名使百

姓耳目共曉不得數外多派一人乘機歛費封公

酷害我幾個窮愁百姓而至于平時官長經臨及

過往公差須用夫役者俱照勘合火牌數目僱募

驛夫承值不得擅派民間不得徇情溢額其餘一



應上司差胥有奉行提  
欽件憲牌填寫夫役者方許照票給發如無憲票填  
寫夫役者不得妄應一名仍將各項應付每月填  
註循環簿上送院查閱凡遇有過往公差經臨官  
長勘合火牌外多勒名數及差胥騷擾煩苦驛遞  
等弊大者卽密揭本院小者竟填註循環以憑本  
院據實叅拏如各屬有司不遵憲仍前妄派民夫  
侵蝕驛站徇情濫送害民苦驛者許被害民夫不  
時指名赴院呈告一經發覺役死官叅毋謂本院  
嚴飭不早也須至示者

兩浙衝區也條有征糧有征輸將旣已刀竭而  
大兵絡繹往來幾十有數年哀我憚人誠不堪  
命不肖有司階之爲厲若銅缸若馬草若緯夫  
以一派十恣其貪求與民休息賴有茲  
神明之中丞在兩浙人士爰爲之歌曰我  
公開府知我癩苦祗之啼之出于湯火誅殘討亂  
我有寧宇



○禁食軍板害

王諱元曠

為食軍株及平民并蠹歷年叠許並行嚴禁以甦  
困累事照得浙漕百萬需軍輓輸原有十一郡之  
軍○挽○通○省○之○漕○其○間○有○屯○之○軍○領○運○無○屯○之○軍○亦  
領○運○有○漕○府○屬○之○軍○承○運○無○漕○府○屬○之○軍○亦○承○運  
蓋民以輸糧軍以輓糧軍民原自攸分勾食豈容  
株累今訪得各郡衛弁因軍冊焚燬輒思生端漁  
利食放由已每每用一食十用十食百富者賄放  
貧者捉克靠軍吃軍報軍賣軍軍戶賣盡遂搜及



百姓○借口○本衛某軍故絕○尚有族分若干○某軍逃  
亡○尚有親戚若干○自本支而族庶○自族庶而親戚  
自親戚而鄰里○捉風捕影○無據無憑○竟以一千百  
姓○活捉代軍○飛燒疊詐○流毒靡窮○指稱風牌假託  
火檄○沿門鎖梃○盡是平民○真正刁軍○巧行管脫○反  
不一○聞嗟嗟○黎民○兵火餘生○官吞蠹噬○一兔之皮  
不知○剝去幾屈○乃又于絕無干涉之中○不在意想  
之內○突出一種○橫弁劈空○降災無影○誅求莫可底  
止○本院聞之○殊難膜視○為此示仰官吏軍民人等  
知悉○自示之後○清軍官作速行文各縣○將軍籍丁  
口○盡數清出○務限一月之內○勒成定冊○一申糧道  
一申清軍官存案○每歲于額運之期○清軍官即按  
冊○覈解糧道○即按冊稽查○務使軍無漏脫○民免妄  
拿○省得軍民○溷淆彼此○推諉直捷○了當○以便飛輓  
倘仍前借口冊籍遺燬○巧行漁詐○以誤作軍○或訪  
聞或告發○弁則具疏參拿○蠹則依  
例重擬○慎之場之通毋違抗  
軍民原自判然○以輸糧者○兼輓糧之苦○大害所



仕禁之不遺餘力。方是撫字深情。

勸諭逃人

周諱亮丁

為遵奉

新例曉諭逃人自行出首。百姓出首逃人各全身家。事照得逃人之害。各屬何地無之。何歲無之。受害不止一人一家。已也。本道下車之始。深知此害。業已徧行諄示。為地方除害。無奈各屬未盡思患。預防以致逃人未完之害。從無虛日。本道細為諮訪。其故有二。一縣境寥濶。有司不能善行保甲。或行之不力者。或荒村僻落。或深山幽谷。挨查未及。以致



容留此其受害者一。又或逃人原係本地方之人。或逃來年久之。人有室有家。傭工耕種。地方鄰佑。羣居日久。往來情熟。貪圖酒食。或因久不追緝。知之未真。不敢輕報。或以報官之後。不肖有司。卽僉鄉民起解。貽累不堪。情願大家朦混。或一經首發。又慮豪橫。逃人誣指某人欠我錢債。我有何物寄圖某家者。又不能折之。以理代爲索償。役又利于有事。擇人而食。甚至唆板方便之家。拴同串詐。大家烹分。以致鄉民怕事。不敢惹火。燒身。寧可吞聲受苦。此其受害者二。直至事敗之後。拘拿起解。妻啼子哭。家破人離。此時搶地呼天。百方求免。如此森嚴之。功令誰敢一毫遺漏。解到督捕衙門。逃人不過鞭刺窩主。新例責四十板。面上刺字。并家產發入旗下。窮下兩鄰十家長。該管地方。其房地入官。妻子家產。一併流徙。拋離墳墓。妻孥凍餒。永無回日。不灰不休。止以平日失于稽查。出首以致舉家遭害。如此爾民業已習見。習聞。絕不回頭。捫心思忖。而



畢竟以身家殉之何其愚昧至此極也。且逃人害窩主一家兩鄰十家長地方又共四家。卽窩主甘于窩家或利逃人在家可幫耕種或利逃人作伴以免孤單或原親族逃回親情族誼不能割絕。或係親支骨血方以逃回爲快不忍出首。解回而此兩鄰十家長地方有何利益有何關切有何情面亦不查不首自送身家本道殊不能爲之解也。况今奉有新法如窩主出首者不惟本身一毫無事而兩鄰十家長地方亦全然無事如窩主不自行出首傍人出首者將窩主家產分爲三分內以一分給與出首之人如兩鄰十家長地方出首者止將逃人窩主解部出首之人並不起解一毫無事保全身家妻子永爲田里之人歲時伏臘不惟骨肉團圓而祖宗一脈不致流離異地出首之利與不出首之害顯如黑白出首則可得生不出首則歿亡立至止在一念間爾民何不亟亟求生全求利益而甘于送妻孥送身家卽一身不知利害當與父子兄弟謀之卽一家不知利害當與鄰佑



鄉黨商之凡有地方十家長之責任者當共圖生  
全○共計安穩萬毋希圖苟全如飲鴆服毒即發有  
遲速斷不能久安無害也至于逃人當思既在旗  
下業為首

朝廷之人當圖報効以求出身即或一念之差逃出  
在外業奉

新例逃人自行出首找主回來者免鞭免刺即窩主  
亦行免究不惟逃人斷該自首以免貽害即窩主  
亦應力勸逃人出首大家盡得生全相勸逃人如

今

旨意這樣嚴將來必差官端拿你你難道躲得一世  
不成他當初留你也是好意你却總成他做了窩  
家為你一個人連累他一家連累兩鄰連累十家  
長連累地方連累縣官府官又連累本道你也拏  
出良心來不如早早自首你想好好一箇臉皮刺  
了幾箇字在上面毋論無面目見人難道這臉皮  
不是父母生的辱親虧體莫此為甚你今自首既  
免了鞭子又免了刺字又免了累人累官有甚麼



不好。你若肯自首。我喜歡你。不累民。不累官。又不累我。你到縣中報知縣。申送你到道。我面賞你一疋紅掛在你身上。顯你是個好人。再賞五兩銀子。做路費。差人送你到京。何等榮耀。若執迷不省。我生百十樣方法。畢竟拿出你來。不怕走上天去。本道朝夕躊躇。為爾民計。為逃人自計。無踰于此。今立行保甲。逐戶挨查。卽欲隱匿。勢已不能。如不出首。法應照例問罪。然一經發覺。本道卽欲為爾民求寬。斷無此法。不得不先期諄諄曉諭。自示之後。爾民刻刻思量。見一個生面之人。就要盤詰一番。時時稽察。刻刻警心。如慮本處官役不能免累。徑赴本道稟首。本道力為爾民除害保全。斷不令爾費一文。斷不令爾有後患。各宜猛省。以副本道細細剖示之意。

立法嚴賄。害大不憚。諄復開示。為官之極善。奉行者也。此心此懷。天地鬼神實式憑之。



○禁借管債

林 誨 嗣 環

照得自雄來者皆口口稱雄民為管債所苦至于  
妻女鬻質言之髮指本道獨以為罪在民不在兵  
夫兵債之數日而利倍再數日而再倍又數日而  
三倍也此其毒如烏喙長葛然烏喙長葛足以灰  
人人知之而不敢服故人之死于烏喙長葛者極  
少其以烏喙長葛死者則皆其明知而故服之者  
也烏喙長葛何罪哉不責服烏喙長葛之人而咎  
天之生此物以毒人也豈理也哉今兵債雖狠豈



能執途之人而強之以借乎。既已借矣。而至期不  
 還。又安能執此輩以馮驩焚券之事乎。為此示諭  
 軍民人等。凡有狠心蕩子。再與營兵揭債者。是明  
 以妻子為奇貨。是明明欲作忘人也。該府察出重  
 責。枷示其為兵民居間者。是明以人之妻子為自  
 己餽餌之媒。當以掠賣人口之罪。罪之登時杖處。  
 然後申報夫兵亦人也。亦有妻子也。何苦以有限  
 之利息。犯此深重之罪。劫哉。特示。

借債之罪。固在借者。而居間更重。登時杖處。更為要着。

○嚴拿緝棍害民

王諱元勝

為嚴拿說合借債奸棍。以甦民困。以肅法紀。事本

院奉

命巡方

簡書是畏。民瘼當恤。不敢不嚴。不敢不盡。訪得省城  
 有等棍徒。名白日鬼。專以酒食為性命。慣以說合  
 作生涯。局賭幫闖。無所不至。暇有一等不肖蕩子。  
 闕賭失計。難見父兄。奸棍樂得乘機。當厄以蛇蝎  
 之心。美鼓簧之舌。千般巧合。極力應承。借少借多。



儼似探囊自取。愚痴一時惶惑。墮其殼中。奸棍遂領赴放債之家。名曰扯緯。說合立票。每十兩僅得八九折。其餘扣頭。悉歸扯緯之囊。酒食等費。又于八九兩之中。取用方得到手。十已去其三四。而扯緯者。必預美其親友。擇其殷實。毒謀倍出。埋伏機關。必使借債之子。致得一賠。又牽放債之人。覲面言便。借中此賠。是爲作保有等。老成親友。知此畧井難入。當下隨借隨還。利已是加倍。或有少一延捱。按月便是加二。然使加二子錢。逐月交明。則本銀尚可。異仍原數。無奈扯緯奸棍。必不零收。壓下一月利。又加利。遞月積累。轉盼便成數百。父兄親戚。雖極知害患。到得如許。那得應急。物件必不能一時清楚。遂勒房產爲磯押。父兄作保。初則原契無名。尚且尋枝扯葉。今則並列票約。怎當火熾風催。不得不將祖先田產。汗血家當。變賣償還。又無奈債途坑塹。人人怖畏。一有此事。誠恐波累。遠避不暇。誰肯承買。有產無售。不得不日延一日。日延一日。不得不負重一日。咆哮取索。盈室填門。坐



臥飲食無分內外。舉家日在湯火。鄰里街坊。悉坐針氈。而批絳奸徒。方爲生發了事。酒山肉海。樂得快活。往往一家欠債。蔓累數家。蕩產傾資。納污含垢。非唯民害切膚。亦恐大關風化。本院聞之。幾爲眠裂。合行嚴禁。爲此示仰軍民人等知悉。以前逆障。作速回頭。改轍。既有資本。經營生意。俱可獲息。有此筋力。耕田服賈。事事可爲。何苦傷天害理。作此鬼哭神嗔之愆。試思專利之家。寧有幾人。長進此等錢財。子孫必不能守。本院披肝瀝膽。說到此間。真是一字一血。如聞言不悟。怙過長非。仍有前項奸棍。依舊說合批絳借債害民者。許不時赴院舉首。審實情重。必將奸棍立斃。杖下本院于爾等百姓。總是家人父子。好百姓。就如好兒子。固是掌珠。愛惜不學好之子弟。豈有不多方教導。自示之後。敢有再行闕賭。債累父兄者。並許其父兄舉首。本院預設三百斤大枷。以待枷示通衢。以爲不才榜樣。如父兄不舉。今日不才之子弟。卽異日做賊做盜。無所不至之奸徒。賭近盜淫。近殺其父兄。豈



不聞之。縱容姑息。禽犢之愛。稍有知識者。不為本院定將本犯父兄一併枷處。決不爾貸。各宜慎誌。勿以身試法。亟予望之。特示。

*[Faint bleed-through text from the reverse side of the page, including characters like '命必以檢屍傷追' and '必以起贓仗究']*

○確定初招

蔣諱國柱

為嚴飭確定初招。以慎刑獄事。照得重大刑獄。莫過人命強盜。而其緊要關鍵。尤在州縣初招。如人命必以檢屍傷追。兇器訊主謀分首。從為據。強盜必以起贓仗究。窩家拿夥。賊對失主。為據。初招務摘的供。勿聽狡口支吾。看語毋涉游移。致留日後辯竇。斯以定爰書而成鐵案。乃近日有司中虛公聽訟。加意平反者。固不乏人。然有關葺惰職。借端叢奸之輩。亦自不少。有將人命重案。而先委衙官



刑書驗看屍傷俾忤作卑員得以貓鼠通同而滋  
輕重失真之弊有將強盜賊情先令捕役私行弔  
拷致指喉板噬任其捉生替死而遂誣良縱盜之  
奸未經開報到官已捏一片虛情及至印官取供  
自有干般閃爍傷痕脏仗悉憑狡口卸推曲直是  
非半由蠹胥線索甚而酷刑迫脅惟株連無辜之  
人因此附會成招留批駁葛藤之竇致一事而連  
累多家一案而屢年不結招未申報人已云云冤  
未剖明家已先破種種弊習皆由初招不確遂貽  
塵積以難清也相應亟飭爲此示仰有司承審等  
官凡遇人命重案一經告報到官印官卽親詣屍  
所眼同屍親被犯三面詳檢勒取的供按律招擬  
速報或係虛誣立時加等反坐以懲刁風其拿獲  
強竊盜賊斷斷勿令番捕私審妄用腦箍竹簽等  
刑濫斃人命如初招既定不許續扳致滋淹滯倘  
有行刑蹈前轍者本部院察訪得實定行叅官究  
爲刑獄不慎濫斃民命之戒各宜勉之俱無  
違錯特示



○禁嚴酷刑

王諱元曦

為嚴禁酷刑以重民命事。照得衙楊之設。原以威服有罪。懲創兇徒。不得已而用之。故必寬嚴並濟。輕重得宜。哀矜勿喜之念。刻刻在心。庶幾質成刑措之風。旦夕可待。近聞各屬官司。好用嚴刑。擅逞威福。或因田地爭持。或因口角訟許。不論事大事小。情偽情真。皆用籠鬚大板。動責四五十更。聞有受勢豪囑託。聽信衙蠹播弄。有心督責。故意敲朴棍夾。交施拶枷。並集法堂之上。添出別樣非刑。



棒楚之餘。另加一番拳脚。良民一至其庭。立見名  
登鬼錄。又聞有一等如狼如虎之皂役。機乘本官  
盛氣。愈得逞其兇。狠橫索班銀。酷勒杖錢。每板一  
兩。二兩開口。盈十盈百。遂其欲。非輕重排勻。卽高  
下巧施。尚有生機。一線拂其求。非對膝毒打。卽縮  
頭悶板。頃刻杖下。含冤小民。見生死出其掌握。無  
不竭力買贖。甚有畏皂役更甚于畏本官者。本院  
風塵輪蹄中。旣耳得其人。耳得其狀。今批閱呈狀  
內。更日有所聞。日有所見。嗟嗟百姓之于官長。稱  
之曰父母。稱之曰公祖。官長之于百姓。呼之曰父  
老。呼之曰子弟。顧名思義。何等親近。何等闕切。要  
知做官的打百姓。便如打自己的兒子。一般兒子  
有過。豈不責懲。然責一分。便痛一分。責兩分。便痛  
兩分。小責小痛。大責大痛。此是何等心腸。且事有  
不同。官有不同。今鄉愚細民。槩用大板。若遇強盜  
衙蠹。又用何刑。親民牧民之官。純任威嚴。若掌邦  
刑。邦法又當何等。更有不可解者。比來官套強盜  
偏解怖畏。不思拔本塞源。衙蠹偏解憐惜。一味投



鼠忌器。獨于幾個萬若干辛之百姓。縱橫顛倒。任意施爲。此又是何等心腸。况貴賤雖或不倫。身體髮膚。總是一般。上下雖有分別。痛楚疾苦。原無二樣。何不設身處地。回頭一想。乃只要逞自己威福。不顧百姓生死。甚之以小民之性命。供知交之情。面以杖頭之慘毒。剝橐裏之金銀。恐此等作爲。不唯報施難泯。卽子孫亦必不享。爲此積誠于中。特與諸司約。以後須設三號板子。第一號留以待強盜。衙蠹土豪。喇棍惡僕之情罪極重者。二號設以待衙蠹土豪。喇棍惡僕情罪之次輕者。至于刑杖。百姓槩用三號。不過細薄竹片。求不失夏楚之義。便已。諸凡問理詞訟。徵比錢糧。務須事事敬重人命。刻刻顧畏民岩。毋狗情面。毋任己私。毋輕信蠹胥。毋偏執成見。平心靜氣。分燠嘘寒。至于行杖皂役。尤須嚴加銓束。不許勒索杖錢。班錢。毒打百姓。民命所關。將操繩墨而待其後。本院嫉惡過甚。執法唯嚴。任大身孤。事重才短。誠恐一舉偶錯。貽咎非輕。因此針氈。經年寢食俱廢。日之所爲。夜必循



省或時而聞雞驚起。或時而終宵涕流。凡所以爲此布告者。非曰能之。亦聊以知非省過之言。願與諸司共勉之而已。勿爲逆耳。速圖更絃。特示。興言及此。安得不仁慈也。

○禁革牢頭積弊款約

陳懋德

爲嚴革牢頭積弊。以重生命事。照得人命關天。凡重罪出入之間。三訊五聽。問官如何詳慎。始定一辟。乃一進囹圄。任憑牢頭索詐凌虐。千態萬狀。稍不遂意。立致死地。不啻草菅。各犯畏如虎狼。蛇蝎。吞聲飲恨。莫敢鳴言。本廳司刑而不能清釐此弊。本廳之罪也。近經查訪的確。先將牢頭姓名與凌虐各狀明白揭破。除另究治外。合行設法禁革。爲此示仰司獄官吏。禁率及重輕監犯知悉。凡從前



牢頭名色頂首銀兩。盡行革去。另立稽查簿一扇。仰司獄官將各監人犯。用保甲法。挨次編定。以天地元黃爲號。每十名編爲一甲。甲中自首名至第十名。輪流值日。卽爲甲首。週而復始。互相稽察。互相保結。仍置鳴冤鑼一面。掛黑門首。如有仍犯以前需索凌虐等弊。許被害人犯。卽鳴鑼稟司獄司。轉報本廳。或于聽審時。據實親稟。查究本甲中容隱不舉者。連坐值日甲長。加責如有因而致死。鳴冤人犯者。事發重究。抵命。如係死囚。卽立刻斃之。杖下以償死冤。此法輪流值日。則舊囚可管新犯。新犯可管舊囚。牢頭不得專權肆惡。而在監者得以互相憐恤。庶棘木之下。較少冤憐矣。今將牢弊禁法開後。

牢頭積弊

打攢盤。索詐新犯不遂。本管牢頭與衆牢頭群來幫毆。名曰打攢盤。

濕布衫。索詐新犯不遂。夜間故意傾水潑濕泥地。逼令睡卧。名曰濕布衫。



濕草薦 索詐新犯不遂故將草薦溼與睡

立過夜 索詐不遂逼勒新犯終夜站立不許睡

卧

上高樓 索詐不遂或將新犯兩脚吊起令睡名

日上高樓

雪上加霜 索詐不遂申通禁卒稟官某犯走進

走出甚難隄防無肘者或稟上肘有肘者或稟

收籠名曰雪上加霜

鎖過夜 索詐不遂將本犯私加鎖項過夜

打腦搭打脚板 索詐不遂或以手磕撞胸額或

將梃犯打其脚板

剥衣服 窮犯無錢即隨身衣服剥去

薰杖瘡 新犯曾經杖責者索詐不遂即將柘香

焚燒托言解臭其實害人致受刑處觸其香氣

朝夕流血不得生肌

請上路 無錢使用者遇親屬送飯來故令散犯

無吃者奪之甚至明明絕其飲食名曰請上路

大鋪監 新犯入監有錢者本管牢頭先設席致



款。私與開肘鬆匣以市恩。次早衆牢頭俱拜望。送禮三日。日本管牢頭開帳。派出使費。牢頭大半。各匿名曰鋪監。打抽豐。牢頭詐飽。又唆無賴散犯。各出分歛。來買鷄買肉。送與新犯。本管牢頭又派一帳。仍多。各匿。如不遂意。即唆散犯成群辱罵凌虐。或故將污穢逼近。使人不得不出錢。名曰打抽豐。每甲置一木牌。面書十犯姓名。背書禁約。一牢頭仍踏前弊。凌虐害人者。本甲連坐。值日甲長不舉加責。

長不舉加責。一強盜受買。唆新盜。販累無辜良民者。本甲并守門貼監禁。卒連坐。值日甲長不舉加責。一通同外人引誘作奸者。本甲與守門貼監禁。卒連坐。值日甲長不舉加責。一賭博酗酒。刀潑生事。值日甲長不舉重責。一捏寫匿名呈狀。投遞害人者。本甲與甲長連坐。并查投遞之人究治。一有未結囚犯。果係外境。子貧無人送飯者。甲長



稟報本廳量給囚米

犯人有病值日甲長即鳴鑼稟報獄官轉申一

面檢醫調治仍照本廳原行登簿查考如不報

即報而遲以致死亡者值日甲長重究

一禁卒勒索通同牢頭害人者司獄官查明密報

及被害人犯告訴毋許容隱取戾

一甲內人犯有釋保病亡者即將新囚挨號補入

奇零人犯附在末甲其新來強犯一時無人送

餉者聽獄官暫撥守分老囚收管候補入甲

一牢頭害人作弊每在深夜即着值日甲長輪流

照管圍空虛不可得也俾狂狴之也有衽席

之安婉美于公當必不爽



○申嚴誣訟反坐

王諱元曦

為申明反坐之條。以禁奸訟。以安民業。事照得浙中百姓茶苦多端。爾百姓事不由已。付之無可奈何。此皆本院弘濟無術。刻刻媿死。然一腔熱血。竊欲作移山填海之想。思量次第推行。獨有詞訟一節。全由爾等自己。稍一忍耐。便有無窮受用。稍一忍耐。便有無窮貽累。爾等到此。偏不自覺。紛紛告許。訟連疊結。相尋無已。是爾等不得自由之苦。既已受累多端。爾等事可自己之苦。又復甘心願受。



吃苦不休。樂生何日。爾等一時血氣。苦不自知。本院代爾思量。幾經心碎。念爾起事之因。或受傍人之挑激。或被訟棍之扛唆。鼠牙口角。駕爲彌天之浪。微疵小隙。視同不共之仇。裝點多端。惟圖一准。不知一准之後。本院勢不能事事親審。必批行各屬。問官承管。亦不止詞訟事。或有急事。不得不將詞訟撇却。或有大訟。不得不將小訟撇却。卽問官之賢能。爲爾等申冤理滯。然守候之苦。亦不知歷幾許時日。費多少盤纏。况一事批到。未盡被告。先尋原告。經承需索。視爲利途。差票誅求。難盈慾壑。兼之唆幫之類。從中簸弄。兼收漁利。竿牘之家。袒分左右。強施情面。又有一等抽豐客。四方八面。處處招搖。爾等苦欲求勝。必至蕩產傾家。不能取勝。必至含冤負屈。及一旦翻悟。一字公門。九牛不出。雖欲休息。豈能罷手。本院視爾等百姓。就如本院兒子一般。好兒子固思愛養。卽不好的兒子。招尤罹法。本院豈不心痛。下車以來。深慮此中百姓。幽隱未達。疾苦難言。呼控無門。尤恐望塵退避。巧拒



呵○攔○故○聽○訟○之○日○爾○等○不○拘○多○少○人○等○皆○得○直○至○  
案○前○政○欲○借○親○問○覘○其○辭○色○辨○其○真○偽○前○此○狀○期○  
所○收○狀○呈○山○積○然○逐○一○披○閱○半○屬○子○虛○百○無○一○實○  
是○以○僅○准○三○十○餘○紙○中○夜○展○轉○檢○而○又○檢○閱○而○又○  
閱○未○曾○把○筆○先○已○感○額○爾○等○不○思○要○本○院○准○狀○有○  
何○苦○難○不○過○舉○筆○一○字○便○可○了○事○本○院○良○心○難○昧○  
誠○恐○本○院○了○事○而○爾○等○種○種○不○了○反○從○此○起○本○院○  
每○出○經○行○見○有○疲○瘠○老○疾○呼○號○當○路○兒○童○婦○女○匍○  
匍○街○中○者○猶○恐○罹○于○無○妄○被○人○欺○凌○每○每○停○輿○細○  
詢○又○不○忍○拘○上○下○之○分○阻○我○痾○瘵○奈○觀○其○情○殊○駭○  
聽○聞○審○其○詞○多○屬○影○響○據○爾○等○皆○云○知○本○院○私○行○  
故○來○告○狀○本○院○捨○一○條○性○命○涉○水○度○山○脚○穿○神○敝○  
見○今○博○得○一○身○大○病○吐○血○不○已○政○為○安○全○爾○等○誠○  
如○爾○等○所○言○是○本○院○以○安○民○之○苦○心○反○為○擾○民○之○  
罪○案○本○院○尚○得○一○刻○卽○安○食○能○下○咽○否○乎○自○今○日○  
出○示○為○始○凡○爾○等○除○戶○婚○田○土○小○事○赴○各○有○司○告○  
理○外○其○有○豪○強○吞○噬○蠹○惡○傷○殘○及○貪○婪○等○項○重○情○  
赴○告○者○必○要○一○字○不○虛○言○言○皆○實○如○所○告○人○命○譬○



如○三○命○內○二○命○情○真○自○治○二○命○以○應○抵○之○罪○一○命○  
 情○虛○必○加○一○命○反○坐○之○條○所○告○誑○私○譬○如○百○兩○數○  
 內○九○十○兩○皆○真○自○治○九○十○兩○應○得○之○辟○十○兩○情○誣○  
 亦○必○治○十○兩○以○虛○誣○之○律○已○于○本○日○通○行○各○屬○一○  
 力○奉○行○本○院○言○不○妄○發○爾○等○務○各○三○思○可○已○則○已○  
 萬○勿○輕○舉○一○時○貽○累○後○日○當○此○兵○荒○之○後○正○宜○靜○  
 養○休○息○何○苦○以○有○限○之○資○財○填○無○益○之○爭○鬪○豈○不○  
 是○剝○肉○奉○人○願○爾○等○悉○聽○本○院○勸○諭○自○有○便○宜○保○  
 守○身○家○受○益○不○淺○如○再○有○恃○強○使○氣○之○輩○輕○信○匪○  
 流○捏○駕○虛○詞○混○擾○紛○賣○者○三○尺○具○在○官○法○如○爐○斷○  
 不○為○爾○等○再○寬○勸○諭○至○此○淚○隨○筆○隕○爾○等○千○萬○自○  
 愛○切○望○切○望○  
 律○以○反○坐○刁○訟○不○禁○自○息○矣○絕○妙○良○法○



○祛弊終訟

張誨星瑞

為祛弊終訟事照得案必歸刑本廳為磨獄受成  
 之地貴速不貴滯貴靜不貴擾貴平易不貴刻深  
 乃兩造有經年不就質者豈盡爾百姓之抗頑當  
 亦由從前立法之未善一遭纏累動輒傾家爾輩  
 不免畏途視之矣大約衙門積弊不過差役房科  
 本廳有犯必懲差役寧敢行其恐嚇無柄可假房  
 科安所用其舞文但此輩嗜利如飴愍不畏死小  
 民無知輕聽或仍墮其術中今特明白曉諭與爾



百姓共見共聞。差役奉行牌票。每以擒縱爲騙端。本廳勾攝人犯。俱各屬起解。未到者不用差拘。已到者不須保候。彼如狼如虎之威。將何憑以逞。凡託言採訪。託言稟白。皆斷斷必無之事。爾輩勿信其愚弄也。房科承行事件。每以緩急爲詐局。本廳督催文移。酌定五日爲期。雖欲速不能速之五日。之先雖欲寢不能寢之五日。之後彼如鬼如蜮之智。亦何地可施。凡託言翻提。託言沅閣。皆斷斷必無之事。爾輩勿信其愚弄也。至招詳問擬。隻字皆出親裁。片言不關胥椽。撼山易撼本廳。刑案難妄。想打點事終無濟。害且隨之。迨至發覺。追悔遲矣。從此一應原被告人等。勿復觀望。蚤赴完銷。理曲倘知自艾。仍可矜哀。理直定與大伸。無煩瞻顧。返終凶爲吉。而化有事爲無。想亦爾百姓之樂從者。衙蠹之所以婪賍毒衆者。無非以官爲木偶。任其簸弄耳。卽官係廉明而不能剔弊。此輩玩法舞文。百姓則以其意出之。自官有不奉命。惟謹者誰哉。自此之開心布論。彼雖有巧無施。爲祛



獎安民之良法也

○嚴拿訟師

王諱元曦

為嚴禁訟棍扛唆。興滅詞狀。以杜詐陷。以安民生。事照得兩浙兵火頻仍。災荒洊至。百姓凋殘。已極。全賴復其職業。安其井里。庶幾少獲喘息。本院按浙以來。勸民間息訟。禁佐貳受詞。不啻三令五申。為我民深切言之矣。然每每本院馳輿所至。到處呼冤聲屈。到處攔馬板轅。據其情。若真有迫切不得已之狀。及讞訊到底。非重翻已結之舊案。即巧借現在之新題。說鬼說夢。無影無踪。推原其始。皆



由積惡訟師鼓其刀筆之鋒。佈成殺人之陣。揣摩時好務以誑准爲能。因而說事賺錢。一手籠絡本院。每批閱詞狀。或云械船。或云統兵。或云斬洗。幾百兩。或云訟燒數十家。空中樓閣。字字驚人大。謊瞞天。全無的據。甚至疾病死亡。指稱關天人命。錢債口角。架作劫奪。公行兩造爭衡。引衙蠹爲發藥之線。真盜反噬。告失主爲仇。陷之家。粧點婦稚。出頭動稱孤寡。臚列利弊。陳說包藏禍心。威張勢焰。奴僕可指平民。戶落門衰。家主不難狂吠。種種不根。出于意料人情之外。而一班負氣好訟之人。受其播弄。聽其指揮。棄生意。拋農桑。不顧一朝之忿。不憚匍伏之勞。環繞道左。萬狀千態。故飾膚受之情。漫滴心傷之淚。殊不知已往細故。未必大。戰勝塲。現在錢財可惜。輕拋流水。無論守候盤纏。證佐酒飯。日費日銷。但思一經告准。批發衙門。何處不費。周旋何處。不要使用。稍不如意。先受經承書手。千般顛倒。更爲用事。皂快百樣欺凌。且又患是患。非不知問官何如。推敲上司何如。批斷經年累月。



廢業棄家。未見羸人。先見輸已。况情虛有反坐之  
條。誣告有加等之例。到得法堂質對。實事不能瞞  
官。那時水落石出。翻到自已身上。鞭笞痛楚。服罪  
熬刑。兩敗俱傷。悔之已晚。訟師且優游事外。掀髯  
抵掌。睨視于傍。任你鰥蚌相爭。只效漁人得利。更  
可恨者。陰陽反覆。埋藏機關。不得于此。卽得于彼。  
蚩蚩小民。目不能識字。口不能念句。但憑紙上糊  
塗。到手鹵莽。便遞往往墮其術中。蕩產傾家。至死  
亡而不覺。本院每念及此。推心隕血。除已經審訪  
最毒最惡極大極久訟師。嚴拿盡法重處外。合行  
禁約。爲此示仰官吏軍民人等知悉。以後凡爾民  
間睚眦小嫌。鼠牙細故。得省便省。如果被貪酷官  
弁大蠹勢惡土豪勒詐陷害。賍多情慘。法所不容  
者。不妨經情直書前來控訴。總之本院之前。野老  
方是上黃童皆可親至。言情片紙。隻字皆可抒衷。道意何  
下二體至意必投託訟師。破費錢財。聽他架捏虛詞。反致害人  
自害。其一應積惡訟棍。火速退避。潛踪改絃。易轍  
生平作孽已極。傷心害理。便是賺得錢財。子孫亦



必不享到此做個平人也須回頭及早如其執迷不悟不畏王法不遵憲禁仍前鼓弄刀筆放潑逞刁誑騙錢財傾人利已及一切捏題柱柄陰陽反覆陷害百姓者許被害人等不時指名陳告以憑本院立刻嚴拿處死殺一人而安千萬人本院雷勵風行不待再計而決戒之慎之特示

○匿揭刷黃

蔣 諱 國 柱

為嚴禁匿揭刷黃造誣飛謗之弊以遏刁風事照得世風囂薄未能彼此無爭然民間果有不平自當據事直陳以求剖決如果係奇冤大枉更當在事言事切實控陳靜聽官司申理又何必撫拾虛詞刷黃列揭以結不解之讐而釀無窮之禍乎詎奈浙俗刁頑鬪狠每以口角微嫌而謬稱殺搶或以鬪毆細事而駕詞人命田房之貼價不遂即云勢佔強吞審定之事案難翻遂假捏盜情衙蠹甚



清政全書 卷二  
至○捕○風○捉○影○辱○之○以○中○葺○幽○隱○之○情○換○月○移○雲○陷○  
之○以○瀆○亂○不○經○之○事○分○條○列○款○一○語○便○可○殺○人○繫○  
牘○盈○篇○千○言○究○無○一○實○不○特○危○詞○激○語○官○府○受○其○  
所○欺○而○貼○壁○粘○牆○路○人○咸○爲○所○蔽○雖○以○久○經○禁○戢○  
奈○刁○風○猶○未○衰○止○每○見○衙○門○街○市○到○處○密○貼○遍○粘○  
深○爲○可○恨○除○訪○拿○重○究○外○合○再○嚴○行○示○禁○爲○此○示○  
仰○官○吏○士○民○人○等○知○悉○自○後○民○間○果○有○真○正○重○大○  
冤○抑○俱○當○據○事○直○陳○前○赴○官○司○告○理○如○以○微○嫌○細○  
事○摭○拾○無○影○虛○詞○捏○情○列○款○刻○揭○貼○黃○逞○刁○健○訟○  
者○無○論○真○假○承○問○衙○門○卽○行○重○究○坐○以○違○禁○誣○告○  
之○罪○巡○捕○員○役○多○方○緝○訪○遇○有○粘○貼○分○投○者○許○卽○  
擒○拿○解○送○該○管○道○府○衙○門○一○體○重○治○斷○不○輕○貸○特○  
示○



○禁捕役拷詐

王諱元曦

為嚴禁捕役拷詐以安民生事照得兩浙當兵火  
 之後寇賊蜂起或峭聚層山或出沒水窟松村劫  
 掠到處焚燒民之所苦者莫如強盜一項所賴有  
 司各官督率捕役多方巡緝勦盜安民甦此才遺  
 是捕役之設原以禦暴非為暴也何乃本郡突出  
 一班積捕豺狼成性什百為羣四察鄉愚飛殷擇  
 肉每獲一盜隨便唆扳執良民于深林古廟之中  
 非刑拷吊魂散骨驚飽欲則潛放私休計沮則栽



賊幽繫。經年縲縲。天日為昏。又有一種無籍棍徒。混入其中。名為口捕。耽視素封。溫飽之家。夙具一冊籍于胸中。盜案一發。乃令按籍供報。嚇之于了。命餌之于飯食。盜何愛而不唯命是從。一經扳報。四出拘拿。肘鍊弓刀。蜂門撲捉。無論家私什物。頓洗一空。更且婦女赤擒。妻孥辱戮。鄰里親戚。無不席捲。恣燒。尤可恨者。谿壑未遂。在煨酷招。妄報官司。罹成黑獄。倘遇地方。保甲公同呈告。而此輩更顯出神奇。通風走脚。或本府不扳。而令別府扳之。或本案不扳。而令別案扳之。層層波浪。轉展株連。此處關提。那邊并結。萬緒千頭。攪成一團。甚至買勢。宦認。賍挽。婦女牽告。重重密網。非惟小民有口難分。即承問官司。看見幾處供扳。硬證鑿鑿。目怵心惑。無從隔別。囹圄之中。不知化了多少獄。燐杖楚之下。不知死了幾許怨鬼。即或水落石出。亦有○九○死○捕○役○之○誇○詐○不○可○不○嚴○禁○一二辨明。冤枉之人。然而身家俱已破蕩。妻子遠竄。他鄉家堂香火。化作蔓草荒丘。骨肉男孫。已經生離死別。遠近聞風。畏如湯火。是小民受捕役之

法政全書

刑部

三



害較之強盜之害更不啻百倍而究之一切真正  
大盜俱係平日通賊行賄暗地往來之腹心偶一  
錯手就擒大塊金錢登時棄放官府萬一窺識情  
弊就中便通線索飾之于虛辭啖之于重物眼前  
寧有幾個奸官一時多半受其籠絡每每瓦解冰  
消朦朧不究以致盜賊橫行殃民縱毒若不亟行  
嚴禁令此滿眼無辜何忍立而覘死除本院已經  
密訪嚴拿盡法重處外合行禁約為此示仰官捕  
并地方保甲人等知悉以後凡捕獲緝獲大盜即  
令送官公堂訊問不許本捕私行吊拷毆板良莠  
問官每遇審鞫盜犯尤宜留心隔別不許株連無  
辜若遇真正大盜卽刻成招申解道院不許捕役  
押追餘黨爲名致令乘機騷擾詐拘賄縱如有老  
奸積捕愍不畏死仍前囑盜板良誣賊陷害暨一  
切殃民縱毒者或告發或訪聞本捕立刻嚴拿處  
死本官一併  
題叅本院鐵面無情言不虛發各宜猛省毋貽後  
悔特示



○清理獄囚

周諱令樹

照得囹圄之設○雖以懲奸○錮惡○然天道好生○仁人  
 惜命○斷蜉蝣一息○齊于龜鶴之年○護胎卵○餘生即  
 致鳳麟之異○古謂福堂○全憑矜恤○已蒙 上臺洞  
 燭軫念○見奉頒發札諭○不啻告戒○諄諄本廳職司  
 刑獄○素具婆心○分宜清理○况淫雨連綿○濕氣蒸鬱  
 蚊叢蚋嘍○暑熱為災○合行出示禁約○為此除將重  
 囚○照舊監候○其餘罪犯○遵奉 上臺札諭○吊取監  
 簿○逐一稽察○應釋者即為釋放○應保者即應召保



外示仰提牢書吏及禁卒人等知悉今後務要逐  
 日洒掃監房洗滌柵械不許堆積穢物在內以致  
 蒸鬱生災如監犯遇病即便赴稟以憑撥醫調治  
 敢有閉人黑地私自拷詐杜絕家屬進飯等弊察  
 出定行重究不恕

○嚴剔造訪積蠹

王 詳 元 賸

為嚴禁大蠹開訪以除傾陷事照得拏訪一款原  
 為老奸大猾擅柄專權倚託見任官勢小民莫可  
 誰何又為勢惡土豪結交官府影借顯勢詐害橫  
 行鄉愚受其荼毒更為一班無賴梟棍招集亡命  
 結盟搆黨奸淫打搶睚眦殺人窩贓線盜等項道  
 路吞聲隨經廉訪得其事狀發奸摘伏奮其鷗逐  
 去其豺狼總是為民除害非以害民間得省中有  
 等積年巨蠹盤踞衙門端通內外線索打探各屬



事情開單列款好惡逞其胸臆生殺出之囊中自  
神其術放膽橫行其陷害良民羅織官府則名曰  
造訪賁縱大蠹刪抹姓名則名曰賣訪受人囑託  
硬砌無辜則名曰做訪打通十一府線索關節代  
易七十五縣行役人名則名曰換訪明開此人之  
款故將局外之賍填入名下以待質證當前審到  
別人身上又名曰借訪既誣正犯之賍復捏無干  
証佐旁証過付助惡致使拖累衙門破家蕩產又  
名之曰乾訪訪之名最多訪之禍最烈因而各屬

權書蠹吏耳灌其名心虛膽裂無不投託門下月  
要歲會前來供奉一遇上司討訪替死捉生盡將  
菜傭塞責真正大蠹反脫然事外間有一二惡貫  
滿盈上官坐名取款本役旋即通知本犯密令自  
開款蹟明中正契之產妄填白估封簽中表至戚  
之親寫作冤仇對證到得法堂研審之下羣佐譁  
然毫無的據幾坐莊山化作一杯雪水有心執法  
無處下針駁問經番終成漏網為民除害反為民  
害為地方除蠹反以滋蠹本院積恨于中除已經



嚴拿極懲外合行嚴禁爲此示仰官吏軍民人等  
知悉凡有前項大蠹盤踞衙門號稱管帳及一切  
造訪賣訪等弊詐陷橫行者本官不自行發覺亟  
爲剪除本蠹不翻然悔過速行退避許被害人等  
據實指名赴院呈告以憑立刻嚴拿處死并將縱  
蠹殃民官員一併飛叅究擬本院鐵面無情除奸  
必盡各宜慎旃毋自觸網特示  
訪之一字有如許鬼蜮談之歷歷可見若非洞  
悉奸謀未易辨此

○禁衙蠹訪後株連

王講元曦

照得本院叨奉

簡命按視浙邦剔蠹除奸是其職掌然除奸原以扶  
善而剔蠹乃以安民念此窮兇極惡盤踞衙門竊  
官府之威靈作無窮之罪逆小民受其荼毒非一  
日矣一朝敗露得以訪拿方將盡揭其生平罪狀  
暴之通衢爲斯民稱快而向聞此輩訪拏之後一  
片惡毒心腸如水益深如火益熾自恃其罪過已  
極法難再加遂爾橫行放潑恣意食人將胸中所



記温飽之家。及有睚眦小隙者。至此憑空嚇詐。稍不遂意。信口株板。以致遭官繫獄。判斷之下。難分真是真。非審結之時。惟有卸賊卸罪。卽或極口稱冤。不無一二辨白者。然而長途解審。黑禁幽囚。六問三推。經年累月。迨至水落石出。而身家業已破蕩矣。小民畏如湯火。任其狂詐。但願飽爾貪心。免其扳累。無事便爲大福。尚敢與之爭論是非哉。而若輩恃以爲詐。害靈符恣行。無忌毒焰。千尋迎風者。無不焦額。是小民畏衙蠹于既訪之後。較之未訪之先。更不啻百倍也。本院聞之不勝髮指。除牌行司道府廳。嚴加申飭外。合行禁約。爲此示仰官吏軍民人等。知悉。凡一應訪拏衙蠹承問官司。不許任其分外株連。成招審結。亦不許揀入訪外之人。如有前項蠹犯。怙惡不悛。板害良民者。許被害人等。不時赴院呈告。以憑本院立刻嚴拿。處死。斷不肯姑息。片時仍留地方大害也。特示。



○飭法安民

丁諱浴初

照得里有美俗○必鄉多善人○非種不鋤○嘉禾安遂○  
 本府初蒞茲土○首急彰瘡○以樹風聲○檢聞地方不  
 逞之徒○十十五五○糾結成羣○或包攬詞訟○大開網  
 利之門○朋比樗蒲○巧設攫金之筭○又或酣歌酣飲○  
 以浪蕩作生涯○蹈陷走空○以機關為嘗試○甚至武  
 斷間里○稱地虎○以誰何詐害善良○倚天罡而為難  
 無知年少○一彼牽纏○破家隕命○種種不法○罄竹難  
 書○其人其事○已廉訪得真○所不據拿究者○姑念與



民更始從茲翻然改行即便嘉與維新前愆可釋  
自不深求嗣後如武恬終定難輕宥蓋本府嫉惡  
最嚴與善又最恕爾百姓獨無血氣心知者乎

○禁取舖行  
為嚴禁濫取舖行以肅官箴以除民害事照得有  
司各官既受  
朝廷專命之榮身居百姓之上便當軫念民瘼愛惜  
物力飲冰茹蘖况童歌一文不染是為官者好事  
近聞得一等官司聽任蠹胥播弄濫取民間物件  
如交際禮儀則有綾段綉綿之取公賀陞遷則有  
錦屏金軸之取衙內應用則有布帛紗羅之取上  
司經臨則有公堂幃褥鋪設之取過往官府則有

○禁取舖行

王諱元曦

○禁取舖行  
為嚴禁濫取舖行以肅官箴以除民害事照得有  
司各官既受  
朝廷專命之榮身居百姓之上便當軫念民瘼愛惜  
物力飲冰茹蘖况童歌一文不染是為官者好事  
近聞得一等官司聽任蠹胥播弄濫取民間物件  
如交際禮儀則有綾段綉綿之取公賀陞遷則有  
錦屏金軸之取衙內應用則有布帛紗羅之取上  
司經臨則有公堂幃褥鋪設之取過往官府則有



河下○心○紅○紙○割○之○取○。犒○勞○官○兵○。則○有○猪○羊○牛○酒○柴○。米○苳○料○之○取○。外○此○紙○行○則○有○紙○割○壳○套○之○取○。木○行○。則○有○脩○倉○造○船○之○取○。染○行○則○有○掛○衫○披○紅○旗○帳○之○取○。下○此○則○磚○行○瓦○行○炭○行○竹○行○以○及○銅○鐵○釘○油○行○。無○不○層○層○剝○削○過○此○。則○魚○行○肉○行○鱖○行○鷄○行○以○至○腐○菜○葱○韭○各○舖○行○誰○不○件○件○銖○求○。本○院○驄○車○所○至○行○戶○擁○遮○道○上○牽○衣○環○訴○。或○云○懸○價○多○年○累○取○查○給○。或○云○批○發○多○日○蠹○胥○冰○沉○。或○云○執○票○追○呼○如○捕○。剿○盜○。或○云○借○端○需○索○。類○虎○啖○羊○。或○云○祖○歇○而○孫○不○能○更○。按○名○猶○同○軍○伍○。或○云○父○死○而○子○不○能○免○。捉○尋○無○異○。逋○逃○。或○云○賣○女○賣○男○。一○賣○無○可○再○賣○。或○云○捐○家○捐○本○已○捐○何○處○重○捐○。卽○幸○而○多○方○使○費○展○轉○。央○浼○纔○博○得○行○庫○准○給○。又○遭○一○班○庫○蠹○扣○剋○。使○用○低○假○鉛○煤○。強○塞○硬○兌○。售○值○不○過○半○價○。銀○色○寧○有○幾○成○。無○數○血○本○。會○見○頃○刻○花○消○。一○塊○紅○銅○。到○底○分○文○無○用○。甚○至○衙○官○因○而○效○尤○。防○弁○亦○加○橫○索○。種○種○爲○厲○。不○可○枚○舉○。尤○可○異○者○。不○肖○有○司○。自○知○虧○心○劣○狀○。又○欲○昧○已○瞞○人○。諸○凡○取○用○物○件○。盡○嘗○小○票○數○行○取○到○。



之日。連票繳燬。不留一案。不落一字。自謂踪跡莫測。殊不知凡民有口。已入本院之耳。有司倚恃見任官勢。誰不惟命是從。並無見銀發買。先令舖戶措難。而若遲違。立挈重責。經承乘機。酷勒常例。壯役乘機。橫索差錢。遂意則名爲幫襯。猶可支吾。拂欲則霹空作祟。任爾上好物件。推做醜惡。不堪。不唯駭換。更能毀聳。官府憑怒加刑。小民魂膽俱裂。每逢票取物件。無論正價賠償。分外又添一番使費。以致身家破蕩。妻子啼饑。盈市盈成乎。

若不亟行嚴禁。何由永絕弊端。爲此示仰官吏軍民人等知悉。凡有一切行戶當官名色。自茲以後。盡行除革。有司各官。須用物件。必先給發現銀照價。平買。毋許空票白取。縱容經承差役。作奸作害。其餘防官武弁。更不許片紙隻字。騷動民間。至于承值借辦。尤當痛禁。敢再有持票索取。勒令承值者。各舖戶留票執役。立告所在官司。卽以所取之物。坐贓論罪。申報本院。凜凜霜簡。立隨其後。凡前一應欠價。勒期速給。倘再遲措。一經告發。吏處官



治政全書 卷二  
參斷不少假。抑本院更有言者。微聞官門豪僕。多持白票取物。呼索無異官司。價值悉從短少。本院聞之愕然。此必道路之傳聞失真。豈果賢者之積習不免。本院民瘼填膺。並効苦口。有一于此。便當速易造福。桑梓知有同心。勿以本院爲贅語也。特示。

三征前須用一緩二况無名之索取乎。小民雖有口安能時入當事之耳。願加採訪焉。

○稽查借辦

王諱元穰

爲大兵供應浩繁。小民不堪重累。特嚴稽核。以清積弊。事照得閩氛待平。征調未已。大兵一切供應。如鍋缸槽鑿蓬廠桶瓢等項。勢所必需。不得不借民力以應一時之急。念小民承值之際。不知遭多少蠹胥索勒。受多少搬運辛勞。萬孔千瘡。誠非容易。及兵馬啟行之後。前項物件銷歸何所。不聞有一件給還百姓者。假言東零西散。故爲無覓難尋。其實役借蠹侵借。此肥家潤橐。及至大兵再來。仍



前派取派取之後仍前侵竊大兵不過用得幾日  
蠹役乃竟用及終身本院每念及此恨不手挽奸  
役割其肉以啖我百姓爲此示仰官吏軍民人等  
知悉以後凡大兵經臨前項供應物件縣官須先  
期張示此番應用某物若干某畧應出某物若干  
某役經收某官稽核盡登簿籍報知各上司衙門  
待大兵行後縣官必親至其地細查各項物件某  
物少過幾件某畧少得某物卽刻逐件登記某物  
損過幾件某畧損得某物卽刻料理修整某物存  
得若干某畧存得某物卽同某畧人等驗明面交  
親收存貯應于某方處所官用印信封鎖役用手  
筆押記卽刻張示通知仍備造清冊申報各上司  
衙門以待大兵再來仍卽先期懸示前番存得某  
物若干修得某物若干此番尚少某物若干應派  
取其畧某物若干以待去後仍前稽查仍前登記  
仍前申報嗟我勞民用得一分物力便受得十分  
虧苦替他節省一分物力便蘊息一分民命我們  
做官的人上爲報効



朝廷○下○當○顧○惜○自○家○兒○女○人○心○天○理○回○頭○一○思○那○件  
用○得○草○率○本○院○脫○稿○至○此○泪○與○筆○隨○良○有○司○披○閱  
及○此○能○無○惻○然○惟○願○實○力○舉○行○無○用○虛○文○粉○飾○本  
院○翹○足○以○待○官○之○舉○核○役○之○生○死○全○係○于○此○特○示  
言○之○泪○下○聞○之○痛○心○誰○無○天○理○誰○無○人○心○自○當  
實○力○舉○行○者○也○且○賄○之○以○待○復○用○不○煩○時○日○而  
器○物○立○辦○亦○見○吏○才○何○苦○蠹○受○利○而○民○受○害○耶

○勸諭修橋

林 諱 嗣環

為○捐○募○修○橋○事○照○得○橋○梁○之○設○歷○代○有○興○有○廢○廢  
則○庸○吏○因○循○所○致○其○興○皆○賢○刺○史○興○之○也○然○既○稱  
賢○刺○史○必○不○能○囊○有○餘○金○又○不○能○役○鬼○工○而○運○神  
斧○則○竹○木○斤○削○之○資○不○得○不○呼○紳○士○父○老○其○擎○而  
後○興○之○也○夫○為○菴○刹○浮○圖○者○或○捨○宅○或○捐○錫○居○者  
不○德○施○者○不○慳○無○他○以○為○福○田○在○斯○吾○自○下○種○耳  
然○竟○有○種○百○千○萬○緡○而○身○不○受○絲○粟○之○獲○者○矣○今  
東○郭○西○村○其○限○帶○水○舟○人○搽○一○葉○艤○待○滿○而○發○舷



與水齊截風亂流。人命懸絲。或春夏溪漲。舟寸停。棹則販夫傭兒。相守枵腹。而城中萬戶。至累日望。西河莖茹。如珠無橋之病。一至于此。然則有能其。成盛事。興其所廢者。福田直百千。庵刹浮圖。哉本。道閱韶府橋志。惟符公諱錫者。修法極緻。今將祖。其舊制。云云。其費昔時物力。煩盛。用金四百。今當。倍之本道。自節腹減膳。僅能捐俸若干。日來兵興。民散訟庭。走雀又生。平心慈筆。軟不慕人。束矢之。金抑貧窮。果有命制之歟。兩年積是。其半以修學。官其半。財以待斯舉。此外則望。元有趾有踵之倫。必渡斯水者。各發苦心。隨力投櫃。貧者分銖。可出。不必怯少。素封之家。肯十金以外。樂助者。准具名。親報俟落成。日本道另行獎謝。異時以川為地。合。舟而徒車馬。駢駢士女。雅雅庶不使。麗宮鼓吻。甘。人而符公。嚙噓笑我也。本道故疾首。感額而言之。特諭。

徒枉輿梁王政所係。不可作禿子。募緣文草草。看過。



○救助火災

陳諱懋德

為○火○災○疊○見○設○法○救○助○事○照○得○杭○民○屢○次○失○火○惟○  
 杭○民○不○知○救○火○一○遇○火○變○近○舍○競○搬○家○伙○遠○人○袖○  
 手○傍○觀○而○亡○賴○白○徒○乘○機○搶○奪○竟○無○一○人○救○火○者○  
 且○城○中○乏○水○救○法○只○在○急○拆○火○路○愚○民○執○拘○不○肯○  
 拆○寧○甘○同○付○燬○燼○而○官○兵○觀○望○不○敢○拆○即○拆○亦○不○  
 過○拋○瓦○拆○椽○屋○身○仍○在○反○易○引○火○以○故○往○往○蔓○延○  
 不○斷○雖○日○天○行○亦○人○事○有○未○盡○焉○本○廳○目○擊○心○憫○  
 特○諭○各○里○居○民○人○等○平○日○各○保○甲○中○俱○備○大○火○鏡○



一根倘遇火起附近保甲人等且勿搬移家伙卽齊集酌量火勢必到引火房屋共架火撓直搭房樑并力拽倒不拘兩三間三四間要令折開一路火無所緣到此自熄火熄之後量地遠近量力富貧各捐微貲助工仍迭如此則未拆者大家保全而被拆者不失故物勝于同付煨燼多矣今廿八日某坊某崙相繼失火本廳隨給牌示諭一時人未能如法遵行然得官兵奮救未大蔓延已行捕官查開拆毀房屋實數據報某坊一間某崙三十

七間本廳先捐俸伍兩倡始助工仍着該里見年各保甲公同開報周圍隣近居民分爲四等最近次近最遠次遠大率以相去十家別爲一等置簿一扇自三四錢至三四分不等各聽隨力願助自註名下極窮苦者勿強總貯見年處計房散給卽或捐助不湊營造本家亦自認一半悔氣矣小民嗜利事後未必樂助但迴思火威煽虐一望成灰今得捐貲助人稍捐亦屬萬幸本廳諄諭不啻再三亦于目前救災捍患之中寓古同井相助相扶



之義各宜鼓勸毋阻將來特示

*[Faint bleed-through text from the reverse side of the page]*

○折乾槽鑱

秦諱世禎

為兵馬之供應已繁。胥役之苛。派無已。嚴禁折乾私匿。以杜虛賠。以甦民生事。照得海氛未靖。天討時張。浙中郡邑。凡當孔道。兵馬經臨。所需鍋缸。蘆篷等項。緣屬民間原有之物。暫假通融。借應用。過給還。亦屬萬不得已。其所以煩費爾百姓者。至矣。至若馬槽鑱刀。閭里所無。自應措處錢糧。置辦開銷。各郡皆然。何以婺中獨異。聞得金屬一切。馬槽鑱刀。墊皮鐵鍋等項。盡皆派取民間。其始或猶



扣○墩○取○辦○求○濟○一○時○其○繼○率○以○為○例○作○奸○多○派○譬  
 如○槽○刀○止○須○一○百○而○派○取○則○必○至○二○三○百○之○多○鍋  
 缸○止○須○二○三○百○則○派○取○不○至○五○六○百○不○止○一○物○如  
 此○物○物○皆○然○小○民○既○奉○派○造○之○令○方○苦○設○處○無○措  
 舉○家○驚○忙○傾○囊○備○辦○而○接○差○催○差○相○繼○踵○至○勒○定  
 一○時○不○許○遲○得○片○刻○票○定○物○數○不○許○少○得○半○些○自  
 姓○一○身○以○辨○料○又○一○身○以○款○差○老○幼○供○餐○衣○粟○典  
 盡○及○至○辦○完○交○納○又○復○嫌○好○嫌○歹○議○舊○議○新○不○知  
 受○幾○許○刁○難○幾○許○措○勒○幾○許○打○點○始○得○收○受○從○頭

徹○尾○通○盤○一○算○一○物○之○派○勢○必○至○兩○三○倍○方○始○了  
 局○反○不○若○資○免○折○乾○較○為○省○便○由○此○多○徵○加○派○之  
 額○相○率○以○歸○于○蠹○役○之○私○腹○遂○至○劍○刀○一○把○折○銀  
 一○兩○墊○皮○折○銀○五○錢○等○而○上○之○馬○槽○鐵○鍋○又○自○另  
 有○重○價○折○免○總○計○一○縣○科○派○槽○劍○鍋○墊○等○項○每○里  
 每○項○或○五○六○件○不○等○以○通○縣○里○分○計○之○每○樣○幾○已  
 千○數○大○兵○一○過○不○過○用○得○一○日○半○日○甚○或○用○得○一  
 刻○甚○或○不○用○兵○馬○既○去○此○等○物○件○究○歸○何○所○既○不  
 歸○之○民○間○令○其○故○物○復○還○庶○好○再○借○又○不○歸○之○官




府俾得稽簿收貯以備後需如許器物總皆蠹胥  
 經承神輸鬼運捆載歸家待得大兵再來之時逼  
 催百姓咄嗟難辦如雷如火之際然後將此物零  
 星分頭出賣乘乏當厄獲利又至增倍嗟我百姓  
 沒有器物既不免受折乾之苦有得器物又不免  
 吃侵隱之虧大兵來得一次蠹輩獲利一次大兵  
 來得十番蠹輩獲利十番民力日竭蠹家日起民  
 生日蹙蠹家益肥本院與言及此食不下咽為此  
 示仰官吏士民人等知悉從前派取物件未經用

過者有司官一面立行清出究追給發衙役犯贓  
 一兩亦在不

赦○侵○隱○一○件○即○有○一○件○之○罪○嗣○後○凡○遇○大○兵○經○臨○必  
 先○計○兵○馬○多○寡○酌○量○物○件○數○目○鍋○缸○假○之○民○間○槽  
 鏹○歸○于○官○辦○不○得○私○自○濫○派○亦○不○得○私○自○折○乾○一  
 經○大○兵○起○行○多○差○人○役○看○管○即○將○存○剩○物○件○彙○集  
 公○所○查○明○某○件○已○毀○某○件○尚○存○造○冊○報○明○道○府○借  
 者○給○還○辦○者○收○貯○待○後○大○兵○復○來○畧○為○增○補○而○供  
 應○裕○如○此○亦○一○勞○永○逸○之○計○務○須○痛○革○舊○轍○力○改



新圖慎毋聾曠自甘縱奸養害敢為陽奉陰違或  
訪聞或首發三尺具在白簡必隨其後也思之惕  
之特示



文化英百







